

ԿԼԻՄԵՆՏ ՀԱՐՈՒԹՅՈՒՆՅԱՆ. Հայ ժողովրդի մասնակցությունը Հայրենական մեծ պատերազմին (1941 – 1945 թթ.). Երևան, «Զանգակ – 97 հրատ.», 2002, 242 էջ, 146 լուսանկար:

ՀՀ ԳԱԱ պատմության ինստիտուտի գլխավոր խորհրդի որոշմամբ և ՀՀ պաշտպանության նախարարության հովանավորությամբ հրատարակած այս մենագրության մեջ պատմական գիտությունների գոլտոր Կլիմենտ Հարությունյանը հիմնականում նորահայտ, արժեքավոր արխիվային փաստերի, ինչպես նաև մամուլի ու դրական աղբյուրների հիման վրա նորովի լուսարանել է 1941–1945 թթ. Հայրենական մեծ պատերազմին Հայ ժողովրդի մասնակցության հիմնահարցը: Ջնայած վերջինս մշտապես գտնվել է ինչպես Խորհրդային Հայաստանի, այնպես էլ Հայաստանի երրորդ Հանրապետության պատմագրության ուղղության կենտրոնում ու տարիների ընթացքում զգալի գործ է կատարվել այդ կարևոր և արդիական նշանակություն ունեցող թեմայի լուսաբանման ուղղությամբ, այնուամենայնիվ գրախոսվող աշխատությունը գլխավոր լուրջ ներդրում է Հայազիտությունից ավելի քան քառասուն տարեկան Հայ պատմաբանների նախնիներում կատարած շնորհակալ աշխատանքի օրգանակուն շարունակությունն է լրացնելով պատմագրության այդ ասպարեղում եղած «սպիրտակ» էջերը: Մենագրության կարևորագույն արժանիքներից մեկն այն է, որ դերադանցապես շարադրված է Ռուսաստանի Դաշնության պաշտպանության նախարարության կենտրոնական արխիվի (Մոսկվայի մարզ, ք. Պոդոլսկ) հարուստ նյութերի հիման վրա, որոնց մեծ մասը գլխավոր շրջանառության մեջ է գրվում առաջին անգամ: Գրքում օգտագործված են նաև ՌԴ ռադամոսկվայի նախարարի կենտրոնական արխիվի (Լենինգրադի մարզ, ք. Գատչինա), Ռուսաստանի սոցիալ-քաղաքական հետազոտությունների պետական արխիվի (ք. Մոսկվա), ինչպես նաև Հայաստանի Հանրապետության նորագույն պատ-

մության և Հասարակական-քաղաքական կազմակերպությունների փաստաթղթերի պետական կենտրոնական արխիվների համապատասխան ֆոնդերի նյութերը: Հեղինակը լայնորեն օգտագործել է նաև ռադամոսկվայի, միութենական և հանրապետական մամուլի նյութերը, վերջին տարիներին Մոսկվայում լույս տեսած մասնագիտական գրականությունը: Օգտագործած բոլոր սկզբնաղբյուրների և գրականության նկատմամբ հեղինակը ցուցաբերել է քննական մոտեցում:

Աշխատությունը բաղկացած է ներածությունից, վեց գլուխներից, վերջաբանից և ընդարձակ հավելվածից: Ներածության մեջ համառոտակի, նոր նյութերի հիման վրա հեղինակը ընդհանուր գծերով բնութագրել է Հայրենական մեծ պատերազմի նախօրյակին եվրոպայում և Ասիայում տիրող խիստ լարված միջադրության դրությունը, ներկայացրել, թե ինչպես էր 1939 թ. սեպտեմբերի 1-ին բռնկված Երկրորդ Համաշխարհային պատերազմի բոցն աստիճանաբար մոտենում ԽՍՀՄ սահմաններին և թե ինչ քայլերի էր զիմել խորհրդային կառավարությունն իր արևմտյան և Հյուսիսային սահմանների անվտանգությունն ու երկրի պաշտպանունակությունն ամրապնդելու ուղղությամբ: Դրա հետ մեկտեղ, հեղինակը նշել է, որ պատերազմի նախօրյակը ծանր փորձությունների շրջան էր Կարմիր բանակի համար: Միայն 1937–1940 թթ. ստալինյան անհիմն բռնաճշմունքների ղոհ գարձան և գնդակահարվեցին ավելի քան 40000 զինվորական, որոնց թվում ԽՍՀՄ առաջին 5 մարշալներից 3-ը (Մ. Ի. Տուխաչևսկի, Վ. Կ. Բլյուխեր, Ա. Ի. Եզորով), 5 առաջին կարգի բանակային հրամանատարներից (Հավասարազոր է բանակի դեներալի) 4-ը (Ի. Է. Յակիր, Ի. Պ. Ուրբերիչ, Ի. Ֆ. Ֆեդկո, Ի. Պ. Բելով), միակ առաջին կարգի

բանակային կոմիսարը (Հավասարագոր է բանակի գեներալի. Յա. Բ. Գամառնիկ), 2 առաջին կարգի նավատորմի Ֆլագմանները (Հավասարագոր է Խորհրդային Միության նավատորմի ծովակալի. Ս. Վ. Վիկտորով, Վ. Մ. Օռլով), 9-ը՝ երկրորդ կարգի բանակային հրամանատարները (Հավասարագոր է գեներալ-գեդապետի), 57 կոմկորներին (Հավասարագոր է գեներալ-լեյտենանտի) 50-ը (որոնց թվում՝ Գ. Դ. Գայը, Գ. Դ. Խախանյանը, Գ. Կ. Ոսկանյանը, Ա. Պ. Շահնազարովը և ուրիշներ), 15 երկրորդ կարգի բանակային կոմիսարները (Հավասարագոր է գեներալ-գեդապետի. որոնց թվում՝ Հ. Ա. Հովսեփյանը, Օ. Ա. Սահակյանը և ուրիշներ), 28 կորպուսային կոմիսարներին (Հավասարագոր է գեներալ-լեյտենանտի) 25-ը, 186 կոմգրիվներին (Հավասարագոր է գեներալ-մայորի) 154-ը (այդ թվում՝ Հ. Թ. Աթոյանը), 64 դիվիզիայի կոմիսարներին (Հավասարագոր է գեներալ-մայորի) 48-ը (որոնց թվում՝ Գ. Ս. Սաֆրազբեկյանը, Ի. Ա. Վարդանովը, Խ. Հ. Աբրահամյանը և ուրիշներ), 656 գեդապետներին 401-ը և այլն: Այս արժեքավոր թվական տվյալներն ամբողջությամբ Հայ պատմագրության մեջ հրատարակվում են առաջին անգամ: Ներածական բաժնում հեղինակը հետաքրքիր փաստեր է բերել նաև Ֆաշիստական Գերմանիայի կողմից ԽՍՀՄ-ի վրա հարձակվելու մասին Խորհրդային հետախույզների հաղորդագրությունների վերաբերյալ, որոնք Ստալինը համարել է սադրիչ ասպտեղեկատվություններ:

Առաջին գլուխը, որը կրում է «Հայրենական մեծ պատերազմի առաջին շրջանում» վերնագիրը, բաղկացած է չորս ենթաբաժիններից: Առաջին ենթաբաժնում լուսաբանվել են պատերազմի սկզբին և առաջին մարտերին վերաբերող հարցեր, վերհանվել այդ ծանր օրերին Հայ ռազմիկների կատարած սխրանքները, բացահայտվել նոր անուններ, որոնք մինչև վերջերս անհայտ էին Հայ պատմագրության համար: Նրանց թվում էր Ե-րդ Հեծյալ դիվիզիայի 94-րդ Հեծյալ գնդի հրամանատար, փոխգեդապետ Նիկոլայ Պետրոսյանը (Լեռնային Ղարաբաղի Ստեփանակերտի շրջանի Սարգարահան գյուղից), որը, 1941 թ. հունիսի 22-ի

վաղ առավոտյան անհավասար մարտի մեջ մտնելով հակառակորդի թվով ու տեխնիկայով մի քանի անգամ գերակշռող ուժերի դեմ, մինչև երեկո կարողացավ հետ մղել թշնամու անընդմեջ դրոհները և հնարավորություն տալ դիվիզիայի հիմնական ուժերին կանոնավոր հոսքով պաշտպանական նոր բնագիծ: Օրվա վերջին, թշնամու տանկային դրոհը հետ մղելիս, խիզախ արցախցին զոհվեց քաջի մահով՝ մինչև վերջ հավատարիմ մնալով դինավորական երգմանը: Բաժնում նորահայտ փաստեր են բերվել հունիսի 22-ին թշնամու «Յուրեկերս-88» ինքնաթիռ խփած գեներալի հրետանավոր, եֆրեյտոր Ավետիս Աղայանի (Հյուսիսային Արցախի Խանլարի շրջանի Ջաղիկ գյուղից) և հրանոթի նշանառու Մուշեղ Բալայանի մասին, որը հուլիսի 17-ին անձամբ ոչնչացրեց գերմանական 12 տանկա պատերազմի առաջին շրջանի պատմության մեջ աննախադեպ երևույթ էր, որն առ այսօր չի լուսաբանվել պատմագրության կողմից: Առաջին անգամ են հրատարակվում նաև զրահազնայցի հրետանավոր Լևոն Գրիգորյանի (Սևանի շրջանի Գեղամավան գյուղից), հրետանային դասակի հրամանատար Բաբկեն Մանուկյանի (Աշոցքի շրջանի Աշոցք գյուղից), գեդապետ Սախատուր Բեկնազարյանի (Լեռնային Ղարաբաղի Մարտակերտի շրջանից) անունները, ովքեր պատերազմի առաջին օրերին կատարած սխրանքների համար արժանացան Լենինի շքանշանի:

Երկրորդ բաժնում նորահայտ փաստերի հիման վրա ճշտվել է Խորհրդային Հայաստանից և ԽՍՀՄ մյուս հանրապետություններից բանակ զորակոչված Հայերի թիվը, որը կազմել է ավելի քան 500000, որից՝ 300000-ը Հայաստանից: Երրորդ բաժնում լուսաբանվել է ազգային և ոչ ազգային դիվիզիաների կազմավորման հիմնահարցը, ճշտվել, որ պատերազմի տարիներին գոյություն են ունեցել Հայկական 6 դիվիզիաներ՝ 76-րդ, 89-րդ, 261-րդ, 390-րդ, 408-րդ և 409-րդ: Դրանցից բացի Հայաստանի տարածքում կազմավորվել կամ համարվել են 61-րդ, 136-րդ, 138-րդ, 151-րդ, 236-րդ, 320-րդ և 406-րդ ոչ ազգային դիվիզիաները: Չորրորդ բաժնում հետազոտ-

վել է հանրապետության ժողովրդական տնտեսությունը պատերազմի պահանջներին համապատասխան վերակառուցման հիմնաձևերը:

Երկրորդ գլխում, որը կրում է «Պատերազմի առաջին և երկրորդ շրջանների գլխավոր ճակատամարտերում» վերնագիրը, հիմնականում նորահայտ արխիվային փաստերի հիման վրա հեղինակը լուսաբանել է Մոսկվայի, Ստալինգրադի, Կովկասի, Կարսի ճակատամարտերին, Ուկրաինայի, Բելոռուսիայի, Մերձբալթիկայի, Կարելիայի և Անգլիկոնների ադատագրման դործողություններին հայ ռազմիկների մասնակցության հիմնաձևերը: Այստեղ հարկ ենք համարում նշել, որ Կարելիայի և Անգլիկոնների ադատագրմանը հայերի մասնակցության հիմնաձևերը հայ պատմագրության մեջ լուսաբանվում է առաջին անգամ:

Երրորդ «Ֆաշիստական լծից Արևելյան և Կենտրոնական Եվրոպայի երկրներն ազատագրողների շարքերում» գլխում հայ պատմագրության մեջ առաջին անգամ համակարգված ձևով լուսաբանվել է Լեհաստանի, Ռուսիայի, Հարավսլավիայի, Հունգարիայի, Ավստրիայի և Չեխոսլովակիայի ազատագրման մարտերին հայ ժողովրդի զավակների մասնակցության հիմնաձևերը, մեկ առ մեկ վեր հանվել այդ մարտերում Խորհրդային Միության Հերոսի կոչման արժանացած կամ Փառքի շքանշանի լրիվ ասպետ դարձած հայորդիների անունները:

Չորրորդ «Ֆաշիստական Գերմանիայի և միլիտարիստական Ճապոնիայի ջախջախման մարտերում» գլխում, հեղինակը լուսաբանել է Արևելյան Պրուսիայի և Բեռլինի ճակատամարտերին ճապոնական միլիտանտոց Կվանտունյան բանակի ջախջախման, Հյուսիսարևելյան Չինաստանի և Հարավային Սախալինի ազատագրման գործողություններին հայ ռազմիկների մասնակցության հիմնաձևերը՝ շրջանառության մեջ դրել կարևոր փաստեր և նոր անուններ: Գլխի վերջում տրվել են ֆաշիզմի դեմ իրենց ծանրակշիռ ավանդը ներդրած Խորհրդային արտաքին հետախուզության ականավոր ներկայացուցիչներ՝ ղեկներալ-

լեյտենանտ Հայկ Հովակիմյանի, գեներալ-մայորներ՝ Իվան Աղայանցի, Միքայել Ալավերդյանի, Վյաչեսլավ Կեոռկովի, գնդապետներ՝ Աշոտ Հակոբյանի, Գերասիմ Բալասանովի, Խորհրդային Միության Հերոս, գնդապետ Փեոթ Վարդանյանի, նրա կնոջ ու գործընկերուհի՝ Գոհար Վարդանյանի անունները, որոնց կատարած լեգենդար սխրանքները, հայտնի պատճառներով, դեռևս չեն լուսաբանվել հայ պատմագրության կողմից:

Հինգերորդ գլխում, որը կրում է «Պատերազանական և դիմադրական շարժման շարքերում: Ափյուռքահայերի ավանդը ֆաշիզմի դեմ տարած հաղթանակում» վերնագիրը, բաղկացած է երեք ենթաբաժիններից: Առաջին ենթաբաժնում ցույց է տրված, որ Հայրենական մեծ պատերազմում տարած հաղթանակում իրենց արժանի ավանդն են ներդրել նաև հայ պարտիզանները. միայն Ուկրաինայում և Բելոռուսիայում մարտնչել են ավելի քան 2000, Ղրիմում և Հյուսիսային Կովկասում՝ 500, Մերձբալթիկայում, Լենինգրադի և Կալինինի մարզերում՝ 200, Ֆրանսիայում՝ 1200, Հունաստանում ավելի քան 1000, Հոլանդիայում շուրջ 800 հայ պարտիզաններ և այլն: Երկրորդ ենթաբաժնում նորահայտ փաստերի հիման վրա ցույց է տրված ֆաշիզմի դեմ տարած հաղթանակում սփյուռքահայերի ներդրած ավանդը: Սփյուռքահայերը ոչ միայն բարոյական, այլև նյութական զգալի օգնություն ցույց տվեցին մայր հայրենիքին ու Կարմիր բանակին: Նրանց հանդանակած դուժարների հաշվին կառուցվեցին «Սասունցի Դավիթ» և «Գեներալ Բաղրամյան» տանկային շարասյուները: Հազարավոր սփյուռքահայեր զենքը ձեռքներին մարտնչել են դաշնակից երկրների շարքերում: Միայն ԱՄՆ-ի բանակում մարտնչել են շուրջ 20000 հայորդիներ: Ամերիկահայ Հանրահայտ օդաչուներ՝ Չարլզ Տերտերյանի, Սեմ Պարսամյանի, Էնդրյու Կոչտոյանի և այլոց թվում առաջին անգամ նշվել է նաև Քրեք Քրեքոյանի անունը, որն իր ինքնաթիռով խաղաղօվկիանոսյան մարտական գործողությունների թատերաբեմում կատարել է 37 թռիչք և արժանացել ԱՄՆ-ի կառավարության պարգևի: Նոր



վաստեր են բերվել նաև աշխարհահռչակ երգիչ Շառլ Ազնավուրի, նրա ծնողների ու քրոջ հակաֆաշիստական գործունեության վերաբերյալ և այլն: Երրորդ ենթաբաժնում փորձ է արվել նորահայտ արխիվային նյութերի հիման վրա, առանց դադարաբաժանի որևէ կաղապարի, ընդհանուր դժբերով տալ պատերազմի տարիներին գերմանական բանակի կազմում գոյություն ունեցող Հայկական լեգեոնի համառոտ պատմությունը և դրա օբյեկտիվ գնահատականը: Մեր կարծիքով, հեղինակը եկել է այն ճիշտ եզրակացություն, որ Հայկական լեգեոնի գումարտակները (թվով 10, որոնց շարքերում ընդամենը եղել է 8-9 հազար մարդ) ոչ միայն չծառայեցին գերմանացիների շահերին, այլև հիմնականում համալրեցին խորհրդային պարտիզանների, ֆրանսիական, Նոլանդական, հունական հակաֆաշիստական դիմադրական շարժման շարքերը:

Վեցերորդ գլխում լուսաբանվել է Հայրենական մեծ պատերազմում տարած հաղթանակում խորհրդային Հայաստանի թիկունքի աշխատավորների հերոսական աշխատանքը, որի շնորհիվ Հանրապետությունը վերածվեց իսկական ռազմական ճամբարի, Կարմիր բանակի մարտական զինանոցի այստեղից՝ «Ամեն ինչ ռազմաճակատի համար, ամեն ինչ հաղթանակի համար» նշանաբանով ամեն օր ռազմաճակատ էին ուղարկվում մարդկային համալրումներ, զենք, զինամթերք, սնունդ, հանդերձանք և այլն: Պատերազմի տարիներին Հայաստանում շահագործման հանձնվեցին 30 նոր արդյունաբերական ձեռնարկություններ, յուրացվեց 300 արտադրատեսակների արտադրությունը, այդ թվում նաև ինքնաթիռ-ուռիչությունները: Սկզբնական շրջանում Երևանի թիվ 447 գործարանը վերանորոգում էր մարտերում վնասված կործանիչ-ինքնաթիռները, այնուհետև սկսեց արտադրել «Յակ-3» կործանիչի թևեր ու շաստի, այլ՝ ուսումնասիրական «ՈւՏ-2Մ» ինքնաթիռ: Գլխում բացահայտվել է նաև կոլտնտեսային գյուղացիության հերոսական աշխատանքը, որի շնորհիվ ոչ միայն չկործանվեցին գյուղատնտեսական մթերքների արտադրությունն ու ցանքա-

տարածությունների մակերեսը, այլև զգալի չափով ավելացան դրանք, ինչը հնարավորություն տվեց Հանրապետությունն ապահովել սեփական հացով: Գլխում հատուկ տեղ է հատկացված պատերազմում տարած հաղթանակի գործում Հայ մտավորականության ներդրած արժանի ավանդին, նրանց աշխատանքի լուսաբանմանը:

Վերջաբանում բերված ամփոփիչ թվական տվյալները ցույց են տալիս, որ պատերազմին ընդհանուր առմամբ մասնակցել է շուրջ 600000 Հայ, որոնցից ավելի քան 200000-ը զոհվել են մարտերում: պատերազմի մասնակիցներից 300000-ը ռազմաճակատ են մեկնել խորհրդային Հայաստանից, 200000-ը՝ ԽՍՀՄ այլ հանրապետություններից, իսկ շուրջ 100000-ը՝ արտասահմանյան երկրներից: Առաջին անգամ Հայ պատմագրության մեջ թվական տվյալներ են բերվել 1945 թ. հունիսի 24-ին Մոսկվայի Կարմիր հրապարակում տեղի ունեցած Հաղթանակի զորահանդեսին մասնակցած Հայերի մասին:

Մեր կարծիքով պատմագիտական կարևոր արժեք է ներկայացնում մենագրության 130 – 240-րդ էջերում տպված ընդարձակ հավելվածը, որտեղ համառոտ, բայց սպառիչ տեղեկություններ են տրված խորհրդային Միության հերոսի կոչման արժանացած Հայ և Հայաստանցի այլազգի քաղաքիչների (ցուցակ 1), Փառքի շքանշանի լրիվ ասպետ Հայ զինվորների (ցուցակ 2), Հայ մարշալների, գեներալների ու ծովակալների (ցուցակ 3) մասին, տպագրված 119 հերոսների ու Փառքի շքանշանի 27 ասպետների լուսանկարները: Հերոսների ցուցակում առաջին անգամ տեղ են գտել նաև դատվելու պատճառով հերոսի կոչումից զրկված 4 հոգու անուններ: Ըստ հեղինակի բերած տվյալների, ընդհանուր առմամբ խորհրդային Միության հերոսի կոչման են արժանացել 108 Հայեր և 11 Հայաստանցի այլազգիներ: Նրանցից 4-ը այդ բարձր կոչման են արժանացել 1939-1940 թթ. խորհրդա-ֆիննական, 101-ը՝ 1941-1945 թթ. Հայրենական մեծ պատերազմների, 3-ը՝ հետպատերազմյան տարիներին կատարած սխրանքների համար: Չավագանց արժեքավոր է հատկապես հավելվածի

երրորդ ցուցակը, որից պարզվում է, որ պատերազմի մասնակից Հայորդիներից 4-ին շնորհվել է մարշալի, 8-ին՝ ծովակալի, 8-ին՝ պեներալ-գնդապետի, 29-ին՝ դեներալ-լեյտենանտի և 97-ին՝ դեներալ-մայորի ղինվորական կոչում: Նրանցից 64-ը զորավարական այդ բարձր կոչման են արժանացել պատերազմի, իսկ 83-ը՝ Հետպատերազմական տարիներին:

Աշխատութունն ընթերցվում է մեծ Հետաքրքրութւյամբ, ձևավորված է սլոլիդրաֆիտիկան բարձր մակարդակով ու ճաշակով: Կրքի պատասխանատու խմբադիրն է ՀՀ

ԳԱԱ ակադեմիկոս Հրանտ Ավետիսյանը: Անշուշտ, դրա երևան գալը նկատելի առաջընթաց է Հայրենական մեծ պատերազմին Հայ ժողովրդի մասնակցութւյան Հիմնահարցի գիտական լուսաբանման ասպարեզում: Մնում է ցանկալ, որ այս մնայուն և ճանաչողական մեծ նշանակութուն ունեցող մենագրութունն անպայման թարգմանվի ռուսերեն կամ այլ օտար լեզուներով, որպեսզի արտասահմանյան ընթերցողը ևս հստակ պատկերացում կազմի Ֆաշիզմի ջախջախման գործում Հայ ժողովրդի ներդրած ծանրակշիռ ավանդի վերաբերյալ:

ԳՐԻՇԱ ԼԱՐՈՒԹՅՈՒՆՅԱՆ